

天涯海畔訪友尋朋得箇知音成圓直待恁時相將同步處處
嬉嬉尋覓暗裏矚矚你爲作如何鋒鏑會舉箭張弓對敵
百邪千魅戰迴純哲無愁感方堪教可傳端的

丹陽次韻

我今得遇把氣財并酒色心中常滌縛馬擒猿牢封緊閉惟恐
精光覷滴漸漸知空寂况余今已下山坡年歷當歸道相宜進
廸俗念塵情慧劍頻劈憑師教通關節要功夫懃懃妙勸調引
烏龜赤鳳般運青龍白虎同成幽閨箇內得乎真歡真樂更不
閑搜閑覓應自然符檄烹鍊三丹靈鋒鳴鏑便散盡妖魔罷敵
永成嘉趣性增明哲無憂感蓬萊路幸知端的

道藏輯要

重陽教化集

九

胃集二
川上上

香山會

白光生青燧至紅輝總好騰玄耀妙黃深奧般般彩色把明珠
覆壽睛空外來往仙道封成永號便受

玉皇宣誥雲霞裏上真惟到香山會聚發瓊言闡道同歸去長
住三島

丹陽次韻

木金交天地活真真漸好澄清湛寂深通奧祥光瑞氣把丹砂
覆燾方知得人能弘道仙承妙號定是受金書誥玄中妙淨中
來到心通意曉這天機大道當行教薦赴蓬島

贈丹陽

這箇爲根本靈元要至誠搜真物外景滅盡世間情四序傳中
氣三光在上明如通顛倒法何慮不圓成

丹陽繼韻

風仙來化我負荷啟丹誠認正本師教焉能著世情心中無罣
碍性內得圓明永永常清淨仙名稱道成

化丹陽

凡人修道先須依此一十二箇字斷酒色財氣攀緣愛念憂愁
思慮

讀至真人語錄

大凡學道不得殺盜飲酒食肉破戒犯願

道藏輯要

重陽教化集

三

胃集二
卅。三

知丹陽喫酒贈頌

道成尙喫酒豈惜千年壽訪飲若依前不過四十九

丹陽繼韻

誓戒糟漿酒玉液增靈壽凡聖兩俱忘得得真九九

令丹陽下山權與陸仙作伴

解境結

我行符水公修藥餌一居山一居鄜市兩處崇真暗相洽卽非
彼此無爲扇共成不二扶風儒士同爲教旨辟得正上合天意
行滿功成去蓬萊卻尋舊止如今且休言異寄

丹陽繼韻

風仙符水陸公藥餌兩處住一山一市遣鈺居鄜敢相違便當